

【無為法身】

（科註第三七七頁倒數第五行 第134集 2013年1月19日）

往生論註下曰：「無為法身者，法性身也。法性寂滅，故法身無相也。無相故能無不相，是故相好莊嚴即法身也。」

《三藏法數》「法性身」條：法性即法身也。謂此法性之身，遍滿十方，無量無邊，色像端正，相好莊嚴，以無量光明，無量音聲，能度十方法身菩薩，是名法性身。

【劫】

（科註第三七八頁第六行 第134集 2013年1月19日）

《佛學次第統編》：劫者梵語劫簸之略，不能以通常之年月日時計算之極長時節也。又譯稱大時，劫有小中大三者，下分述之：

小劫者，一增一減，為一小劫。

一、增劫 人壽自十歲起，每過百年增一歲，至八萬四千年，為增劫之極。

二、減劫 人壽自八萬四千年起，每過百年減一歲，至十歲為減劫之極。

一增一減，共計一千六百八十萬年，名一小劫。

中劫者，合二十小劫，共計三萬三千六百萬年（三億三千六百萬年），為一中劫。

大劫者，合四中劫，一成、一住、一壞、一空，為一大劫。

一、成劫 歷第一次中劫，名曰成劫。

二、住劫 歷第二次中劫，名曰住劫。

三、壞劫 歷第三次中劫，名曰壞劫。

四、空劫 歷第四次中劫，名曰空劫。

合四中劫，共計十三萬四千四百萬年（十三億四千四百萬年），為一大劫。

凡十方三世所有一切世界，皆悉具此四種。